

**Udruženje studenata elektrotehnike – EESTEC LC Sarajevo**, Elektrotehnički fakultet Sarajevo, sa sjedištem: ulica Zmaja od Bosne bb, 71000 Sarajevo, ID broj: 4201231170006, zastupano po Emini Zoloti (u daljnjem tekstu: Udruženje)

i

**Sarajevska pivara d.d.**, sa sjedištem: ul. Franjevačka br. 15, ID broj: 4200231550007 zastupana po Azur Mandžuka (u daljnjem tekstu: Kompanija),

zajedno nazvani ugovorne strane, u Sarajevu, dana 08.03.2022. godine, zaključuju sljedeći:

## **UGOVOR O POSLOVNOJ SARADNJI**

### **Član 1.**

#### **Opće odredbe**

“**Soft Skills Academy Sarajevo 2023**“ (u daljem tekstu: Radionica) je besplatna trodnevna radionica ličnih i profesionalnih vještina za studente svih fakulteta u Sarajevu, koja podstiče studente na razvoj neformalnih vještina neophodnih za zapošljavanje i uspješnu karijeru, ali i za izazove modernog života, koje tradicionalan način studiranja ne može obezbijediti. Priliku za učešće na ovoj radionici ima 40 ambicioznih studenata koji su se istakli svojom motivacijom za učešće, ali i u radu u nevladinim organizacijama. Jedanaesta edicija ove radionice održat će se od 17. do 19. marta 2023. godine.

“**EESTech Challenge Sarajevo**“ (u daljnjem tekstu: Takmičenje) je projekat koji organizuje Udruženje, te će se isti održati u Sarajevu od 10. do 12. 03. 2023. godine. Takmičenje će se odvijati u timovima, a svaki takmičarski tim se sastoji od tri člana koji imaju priliku steći praktična znanja o tehnološkoj temi **Mobile App Development: Gamification**.

Ciljevi Takmičenja su dijeljenje tehnološkog znanja sa evropskim studentima tehničkih fakulteta i kompjuterskih nauka, umrežavanje studenata na polju tehnologije, povezivanje studenata i univerziteta sa kompanijama, te pružanje mogućnosti studentima da rade na real-life projektima što je od iznimne važnosti.

Ovim ugovorom regulišu se prava i obaveze ugovornih strana o pokroviteljstvu Radionice i Projekta od strane Kompanije. U daljem tekstu Takmičenje i Radionica zajednički će se nazivati Projekti.

### **Član 2.**

#### **Obaveze Udruženja**

Udruženje se obavezuje na:

- Isticanje logotipa Kompanije na zvaničnim web stranicama Projekata ([softskillsacademy.ba](http://softskillsacademy.ba) i [eestechchallenge.eestec.net](http://eestechchallenge.eestec.net)) do kraja tekuće godine;

- Isticanje logotipa Kompanije na promotivnim majicama (poledina majice) koje će biti podijeljene učesnicima i organizatorima Projekata;
- Isticanje logotipa Kompanije na svim štampanim publikacijama (plakati i ostali promotivni materijal vezan za Projekte);
- Dijeljenje promotivnih materijala Kompanije u poklonima dobrodošlice koje dobijaju svi učesnici Projekata (ukoliko Kompanija blagovremeno dostavi navedene promotivne materijale);
- Promocija Kompanije kao partnera putem profila Projekata na društvenim mrežama do završetka implementacije istih;
- Promocija Kompanije kao partnera putem promo-videa Vaše kompanije između treninga tokom Radionice, te sve vrijeme tokom rada na Takmičenju (ukoliko Kompanija blagovremeno dostavi promo-video);
- Obavješćavanje o aktivnostima Kompanije na mailing listi svih članova Udruženja do kraja tekuće godine (ukoliko Kompanija blagovremeno obavijesti Upravni odbor Udruženja o datim aktivnostima);
- Članak o Kompaniji na web stranici Radionice i Udruženja (ukoliko Kompanija blagovremeno dostavi tekst članka od optimalno 150 riječi);
- Brendiranje sale sa promotivnim plakatima Kompanije (ukoliko Kompanija blagovremeno dostavi promotivne plakate);
- Poseban brendiran sto na Projektima samo za proizvode Kompanije;
- Postavljanje roll-up-a kompanije na Ceremoniji otvaranja, Ceremoniji zatvaranja i u prostorijama održavanja Projekata (ukoliko Kompanija blagovremeno dostavi roll-up bannere).

### **Član 3. Obaveze Kompanije**

Kompanija se obavezuje:

- Da će najkasnije do 09.03.2023. dostaviti 600 boca vode zapremine 0.33l u prostorije Udruženja na Kampusu Univerziteta u Sarajevu,
- Da neće koristiti ime Udruženja kod promocije svojih usluga ili proizvoda bez odobrenja istog.

### **Član 4. Odgovornost**

Upravni odbor Udruženja odgovoran je za ispunjenje Ugovora od strane Udruženja. Potpisnik - predstavnik Kompanije odgovoran je za ispunjenje Ugovora od strane Kompanije.

### **Član 5. Rješavanje sporova**

U slučaju spora proizašlog iz ovog Ugovora ugovorne strane će isti rješavati sporazumno. U slučaju da spor ne bi bio riješen sporazumno rješavat će ga nadležni sud u Sarajevu.

**Član 6.**  
**Dodatak**

Ovaj Ugovor stupa na snagu danom potpisivanja i primjenjivat će se dok svaka ugovorna strana ne izvrši obaveze preuzete Ugovorom, odnosno trajat će do realizacije Projekata navedenih u članu 2. ovog Ugovora.

Ugovorne strane se obavezuju da će čuvati u tajnosti sve informacije o poslovanju druge ugovorne strane do kojih dođu u toku saradnje, uključujući i informacije iz ovog Ugovora.

Ovaj Ugovor se smatra zaključenim kada ga svojeručno potpišu ovlašteni zastupnici obje ugovorne strane, a stupa na snagu i primjenjuje se od dana zaključenja.

Ovaj Ugovor zaključen je u dva (2) istovjetna primjerka, od kojih svaka ugovorna strana zadržava po jedan (1) primjerak.

Za Udruženje

Za Kompaniju

---

Emina Zolota  
Potpredsjednica Udruženja

---

Azur Mandžuka  
Direktor